

Oqartussat ataatsimoorussamik innuttaasunut nittartagaat sullissivik.gl pillugu kaajallaasitaq

Inatsisartut Naalakkersuisullu pillugit Inatsisartut inatsisaat nr. 26, 18. november 2010 -meersumi § 23-mi imm. 1-imi allassimasut malillugit ima aalajangersaasoqarpoq:

Atuuffia

§ 1. Kaajallaasitaq una Naalakkersuisut naalakkersuisoqarfinut immikkoortortaqaqfinnullu taakkununga attuumassusilinnut atorneqassaaq takuuk suliassaqaarfii agguataarnerat pillugu kaajallaasitaq (Suliassaqaarfii agguataarnerat).

Imm. 2. Pisortaqaarfii suliffeqaarfii imminnut ingerlattut oqartussaqaarfiilluunniit attuumassuseqanngitsut ilaatinneqanngillat

§ 2. Digitalimik Sullissinermut Aqutsisoqarfik isumaqatigiissuteqaqfigineratigut kommunit tamakkiisumik ilaannakortumilluunniit sullissivik.gl-imut peqataasinnaapput.

Imm. 2. Digitalimik Sullissinermut Aqutsisoqarfik isumaqatigiissuteqaqfigineratigut naalagaaffiup oqartussaqaarfii tamakkiisumik ilaannakortumilluunniit sullissivik.gl-imut peqataasinnaapput.

Imm. 3. Digitalimik Sullissinermut Aqutsisoqarfik isumaqatigiissuteqaqfigineratigut pisortaqaarfii suliffeqaarfii imminnut ingerlattut tamakkiisumik ilaannakortumilluunniit sullissivik.gl-imut peqataasinnaapput.

Imm. 4. Kommunit, naalagaaffiup oqartussaqaarfii imaluunniit pisortaqaarfii suliffeqaarfii imminnut ingerlattut sullissivik.gl-imut peqataaniarunik kaajallaasitamut matumunga peqataanissartik akuerissavaat.

www.sullissivik.gl

§ 3. Digitalimik Sullissinermut Aqutsisoqarfiup oqartussat ataatsimoorussamik nittartagaat www.sullissivik.gl oqartussaqaqfinnut imaritikkumaneqartunut, immiut digitalikkut sullissinnaanermut atugassanngorlugu suliarissavaa, taannalu aqqutigalugu aamma digitalimik aaqqiissutit innuttaasunut suliffeqaqfinnullu attuumassusillit aamma suliarineqarsinnaassapput.

sullissivik.gl-iup minnerpaamik imarisassaa

§ 4. Sullissivik.gl -ip imarisai minnerpaamik ukunannga imaqaassapput:

- 1) inatsimmut atuuttumut innuttaasut suliffeqarfillu pisinnaatitaaffinik pisussaatitaaffinillu nassuiaat.
- 2) Inatsisinut atuuttunut naapertuuttunullu innersuussinerit.
- 3) Oqartussaqaarfik akisussaasuusup taaguutaa, sumiiffia, oqarasuaataata normua, emailadressia saaffiginninnissamullu paasissutissat allat.

Imm. 2. Sullissivik.gl-imittaaq ersersinneqassaaq Sullissivik.gl suunersoq, kikkut nittartakkamut akisussaasuunersut kiisalu systemimut akisussaasumut attaveqarfissat.

§ 5. Sullissivik.gl -ip atuisunit atoruminartuunissaa iserfigiuminarnissanullu pitsaassusissat ilisimaneqartut naammassissavai.

Imm. 2. Naatsorsoruminassuseq, atorneqarsinnaassuseq, paasinassuseq pitsaassusaalu aqutigalugit atoruminassusaa iserfigiuminassusaalu qulakkeerneqassaaq.

Imm. 3. Paasissutissat atuisullu paasinnaasaannik periuseqarneq naatsorsoruminassutsimik taaneqarpoq.

Imm. 4. Atuisut paasinnaasaannik periuseqarneq atoruminassusaalu atorneqarsinnaassutsimik taaneqarpoq.

Imm. 5. Paasissutissat atuisullu paasinnaasaaneq periuseqarneq paasinassutsimik taaneqarpoq.

Imm. 6. Browserit assigiinngitsut teknologiillu assigiinngitsut atorlugit atorneqarsinnaassusaa pitsaassutsitut taaneqarpoq.

§ 6. § 5-imi taaguutit atorneqartut www.sullissivik.gl aqutigalugu Digitalimik Sullissinermut Aqutsisoqarfimmit nassuiarneqassapput.

sullissivik.gl-imi digitalimik imminut sullinneq

§ 7. Digitalimik sullississutit inuk pillugu paasissutissanik imallit atorneqassatillugit NemLog-in uppersaasersuinerlu atorlugit iserfigineqarsinnaassapput. NemLog-in danskit Digitalimik Sullissinermut Aqutsisoqarfianit atorneqarsinnaasunngortinneqarput takuuk MitID aamma NemLog-in pillugu peqqussutit.

§ 8. Oqartussaqaarfinnut tamanut digitalimik immersugassaqarnissaa Digitalimik Sullissinermut Aqutsisoqarfimmit suliarineqassaaq. Digitalimik immersugassaq immersugassat tigussaasut assigalugit suliarineqassaaq. Digitalimik immersugassat sullissivik.gl-imiittut innuttaasunut suliffeqarfinnullu oqartussaqaarfinnut immersukkanik isumannaatsumik sullissivik.gl aqutigalugu digitalimik nassiusserusuttunut neqeroorutaapput.

Imm. 2. Oqartussaqaarfiit aalajangersimasumik e-mailadressemik toqqaassapput, tassungalu digitalimik immersukkat nassinneqartassapput. E-mailadresse allanngussappat, tamanna sullissivik@sullissivik.gl -imut minnerpaamik ullut tallimat sioqqullugit nalunaarutigineqassaaq.

Imm. 3. Digitalimik immersugassami MitID-mi paasissutissat allassimasut atorlugit suliarineqassaaq, taamaaliortoqassarlu nassiuissisup kinaassusaa uppersarsarniarlugu, taassumami digitalimik nassiuissisinnaanissani pisinnaatitaaffigaa.

§ 9. Digitalimik Sullissinermut Aqutsisoqarfiup oqartussaqaarfiit sullissivik.gl aqcutigalugu digitalimik aaqqiissuussamik imminut sullissivinnik atuutsitsilerniartut sullississavai. Imminut sullissivittut aaqqiissut tamakkiisumik ilaannakortumilluunniit imminut sulliviuvuq, sullissivik.gl atorlugu paasissutissat allanneqartut toqqaannaq nammineerlutik sulianik sullississummut allatulluunniit suliaqarnermi atorneqartartumut nuunneqassapput.

Imm. 2. Oqartussaqaarfik nammineerluni aningaasaqarnermut inatsimmi aningaasaliissutaasut atorlugit digitalimik imminut sullissiviup atortunut atassuteqalersinnissaanut ineriartortitsineq, ingerlatsineq allaffissornerlu ingerlatissavaa.

Imarisaanut akisussaasoq

§ 10. Suliaq pillugu suliaasaqaarfillu akisussaasuusoq imarisaasumi allassimasunut nassuiaatinullu paasinartuunissaat pillugu § 4-imi imm. 1-imi allassimasut malillugit allassimasoqarnissaanut akisussaasuussaaq.

Imm. 2. Nutaamik inatsimmik atuuttuulersitsisoqarsimappat inatsimmiluunniit allannguisoqarsimappat ulloq taanna atuutilerfiani sullissivik.gl-imi allassimasut nutarterneqartassapput eqqortumillu allassimassallutik. Allaffissornikkut allannguutit uani aamma ilaapput.

§ 11. Inatsisartut nalinginnaasumik ataatsimeersuarnertik ingerlatereeraangassuk, Digitalimik Sullissinermut Aqutsutsisoqarfiup oqartussaqaarfiit akisussaaffimmi iluanni sullissivik.gl -imi allassimasuutaannik imminullu sullissinnaanermut periarfissanik nalunaarsukkanik nassinneqartassapput.

Imm. 2. Imarisat imminullu sullissinnaanermut periarfissat oqartussaqaarfinnit misissorneqartassapput, takuniarlugu Inatsisartut ataatsimiinneranni allaffissornikkulluunniit allatigut allannguinnermi imarisaanik allannguisoqassanersoq takuniarlugu.

§ 12. Digitalimik Sullissinermut Aqutsisoqarfimmit sullissivik.gl-imut nanuaraq.gl-imullu malittarisassanik ilitersuutinillu saqqummersitsisoqassaaq, tassanilu oqartussaqaarfiit imarisaanik qanoq suliaqarnissartik, digitalimilluunniit imminut sullissinermut periarfissanik qanoq suliaqartoqartassanersoq takusinnaassavaat.

Imm. 2. Digitalimik Sullissinermut Aqutsisoqarfimmit sullissivik.gl-imut immersuisussanut pikkorissaasoqartassaaq. Sulisut sullissivik.gl-imut immersuisussat pikkorissarnermik pineqartumik ingerlatsisimassapput.

Ukiumut ataatsimiinneq

§ 13. Digitalimik Sullissinermut Aqutsisoqarfik ukiumoortumik oqartussaqaarfinnut ataatsimiigiaqqusisassapput, tassanilu oqartussaqaarfiit sullissivik.gl -imi allassimasuutillit digitalimillu imminut sullinnissamut periarfissaatillit peqataasassapput.

Imm. 2. Ataatsimiigiaqqusissut oqartussaqaarfinni pisortaanermut nassiunneqartassaaq. Oqartussaqaarfinni pisortaanerup ataatsimiigiaqqusissut sulisunut sullissivik.gl-imut ikkussuisunut ataatsimiinnermilu peqataasussanut ingerlateqqittassavaa, tassani aamma akisussaaffeqarfiup iluani suliamut attuumassusilimmut immikkoortortaqaarfinni aqutsisoq peqataasassaaq. Immikkoortortaqaarfinni aqutsisoq sulianillu ingerlatsisoq ataatsimiinnermi peqataasassaaq.

Imm. 3. Ukiumut ataatsimiigiaqqussut ullut 14-it sioqqullugit nassiunneqartassaaq.

Imm. 4. Ataatsimiinnermi minnerpaamik oqaluuserisassat:

- 1) Ukiumi qaangiuttumi suleqatigiinnerup killiffissiornera,
- 2) Imarisaanik digitalimillu imminut sullissiffinnik misissuineq,
- 3) Kukkunernik amigaatinillu suliaqarnissamut piffissalersuinissaq.

Suliassa qarfinnik allannguineq

§ 14. Suliassa qarfinnik allannguisoqarnerani oqartussa qarfik pineqartoq Digitalimik Sullissinermut Aqutsiso qarfimmu paasissutissiissaaq paasissutissat oqartussa qarfimmu sorlermut tunniunneqarnissaanik.

Imm. 2. Oqartussa qarfik suliassa qarfimmik tigusermi kinguninngua Digitalimik Sullissinermut Aqutsiso qarfimmu nalunaaruteqassaaq suliassa qarfimmik nuussinermi allassimasuni qanoq allannguisoqarnissaanik.

Imm. 3. Oqartussa qarfik suliassa qarfimmik tiguserisussaq sullissivik.gl-imi allassimasuuteqareersimassappat §11 imm. 3-mi allassimasut aallaavigalugit attaveqaataasoq Digitalimik Sullissinermut Aqutsiso qarfimmu ataatsimiigiaqquneqassaaq. Ataatsimiinnermi sullissivik.gl-imi allassimasunik nutarterinissamut ulluliineq pissaaq.

Imm. 4. Oqartussa qarfik sullissivik.gl-imi allassimasuuteqanngippat § 13-imi allassimasut aallaavigalugit Digitalimik Sullissinermut Aqutsiso qarfik ataatsimiigiaqqusissaaq.

Imarisat eqqunngitsut

§ 15. sullissivik.gl-imi eqqunngitsunik allassimasoqartoq Digitalimik Sullissinermut Aqutsiso qarfimmu paasineqarpat tamanna oqartussa qarfimmu pisortamut piaartumik nalunaarutigineqassaaq.

Imm. 2. Paasissutissat eqqortuunnginnerinut tunngatillugu oqartussa qarfimmu pisortamut, immikkoortorta qarfimmu aqutsisumit oqartussa qarfimmu illuunniit sulisunit ullut suliffusut tallimat qaangiuppata nalunaaruteqartoqanngippat, taava allassimasut iserfigineqarsinnaajunnaarsinneqassapput. Allassimasut iserfigineqarsinnaajunnaarnerinik oqartussa qarfimmu pisortamut nalunaaruteqartoqassaaq (tak. §2).

Paasissutissanut akisussaasoq

§ 16. Oqartussa qarfik sullissivik.gl-imi imminut sullissinnaanermut aaqqiisummik Digitalimik Sullissinermut Aqutsiso qarfimmu saaffiginnittuusoq, sullissivik.gl-imi imminut sullinnermi paasissutissanik suliaqartussatut paasissutissanut akisussaasuussaaq.

Tekniskimik aaqqiissutit isumannaallisaanerlu

§ 17. Digitalimik Sullissinermut Aqutsiso qarfimmu contentmanagement system (CMS-system), ilutsit aammalu oqartussa qarfiit digitalimik imminnut sullinnissaannut allatigulluunniit atuinissaannut ataatsimut nittartagaqarnissaq periarfissaatinneqassaaq.

§ 18. Digitalimik Sullissinermut Aqutsisoqarfik sullissivik.gl-ip systemianut akisussaasuvoq.

Imm. 2. Systemimut akisussaasuuneq atorlugu paasissutissanik annaasaqarsinnaaneq imaluunniit unioqqutitsilluni piiasoqarnissaanut, sequtserisoqarnissaanut aammalu inunnut tunngasunik paasissutissat pillugit inatsisit malillugit allassimasut pillugit ilisimasaqartussaangitsut ilisimasaqalersinnaaner atonerluisinnaaner atlatigulluunniit peqquserlussinnaaner pinaveersaartinniarlugu Digitalimik Sullissinermut Aqutsisoqarfiup teknikkimut tunngatillugu aaqqissuussaanermilu sillimaniarnermut attuumatillugu aalajangiisinnaassuseq akisussaaffigissavaa.

Imm. 3. Inunnut tunngasunik paasissutissanik suliaqarneq pillugu akisussaaffit, suliassat, nakkutilliinerillu pillugit kaajallaasitami (paasissutissanik suliarinnissinnaanerut isumaqatigiissut) Digitalimik Sullissinermut Aqutsisoqarfiup pisinnaatitaaffi pisussaaffi aammalu paasissutissanik suliaqarnera sukumiinerusumik aalajangersarneqarsimapput.

§ 19. Digitalimik Sullissinermut Aqutsisoqarfiup akisussaaffigivaa sullissivik.gl-ip ingerlannissaanut CMS-systemip tassungalu attuumassusillip inerisarnissaa, ingerlanneqarnissaa, isumannaallisaanikkut nutarterneqarsimanissaa allaffissornikkullu suliarineqarnissaa.

Imm. 2. Digitalimik Sullissinermut Aqutsisoqarfiup CMS-systemimut isissutit suliarissavai.

Imm. 3. Sullissivimmi allannguinnissat qaammatit arfinillit sioqqullugit nalunaarutigineqartassapput. Tassunga ilaanngillat CMS-imi sillimaniarnikkut nutarterinerit, taakkua erngertumik suliarineqartassapput.

Imm. 4. Inatsisit nutaat assigisaallu peqqutaallutik allannguinerit, inatsimmik atuutsitsilernerut sunniutitut ilaatillugit suliarineqartassapput.

§ 20. Digitalimik imminut sullissinnaanerut oqartussaaffik tunineqarnissamut isumaqatigiissusiornerani minnerpaamik ukua ilanngunneqassapput:

- 1) Service Level Agreement, tassani aaqqissuussinerit ajortoqarnerilu piffissat kiffartuussiffiusinnaasut aalajangersarneqassapput.
- 2) Suleqatigiinnissamut isumaqatigiissut, tassanilu allassimassaaq Digitalimik Sullissinermut Aqutsisoqarfik suleqatigineqartoq.
- 3) Paasissutissanut sillimaniarnermut piumasaqaatit.
- 4) Aaqqiisummut sillimaniarnermut nutarterinissamut piumasaqaatit.
- 5) sullissivik.gl-imi NemLog-in-imilu tekniskimik aaqqissuussaanerup nassuiarneqarnera.

Atuutilerfia

§ 21. Kaajallaasitaq atuuttuulersinneqarpoq ulloq 1. maj 2023.

Naalakkersuisut Siulittaasuata Naalakkersuisoqarfia, 24. april 2023

Múte Bourup Egede (atsior)

Naalakkersuisut Siulittaasuat

/ Hans-Peder Barlach Christensen (atsior.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut